

ERA CANÇON DE GRANGÈR

(Tradicionau Bigòrra,
de Castèth-Lobon)

2. Cantatz dab allegressa
Aulhèrs de Bigalom,
Eths gendarmas de Lorda
Pojats ja crei que'n son.
Que cèrcan un brave òmi
Jan-Maria de Grangèr.
Qu'ei en'acera cabana
Ath pè deth Amporèr.
3. Eths cans en sentinèla
Se'n botan a lairar,
Devath era cabana
Se'n botan a cridar :
–Anem mossurs adara
Aulhèrs que'vs cau llevar.
Qu'ètz eth lop enas òlhas,
Que las se vòu minjar.
4. Arroder que se'n lhèva
Coma èra eth permèr.
Eths gendarmas ena pòrta
Que'u ne gahèn tanben.
Grangèr que i-ei encòra,
Que guèrda quin pòt hèr,
Que'n sauta ena crabina
Deth gendarma Amarèr.
5. Amarèr crida ath òmi:
–Leishatz m'estar, Grangèr.
Se'm tornas eras armas
No't darèi ath darrèr...
Crabina, baioneta,
Tot que se n'at portè
Tot en dançant ua valsa
Tath pelat deth Lasèr.
7. –Adishatz, mossur Arro,
Que vse'n portaratz plan.
Qu'èm hèita era torniada,
Que la nse vatz signar.
Non vs'at gosam pas díser
Çò qui ns'ei arribat :
En'acera montanha
Grangèr ns'a desarmats.
10. Tres aulhèrs ena montanha
Qu'an hèit era cançon.
E se non ei plan hèita
Que s'i pòden tornar,
Tot en bevent ua taça
Que la pòden cantar.
Tot en bevent ua taça
Que la pòden cantar.

NB : Aquesta canta que conta eth espleit deth desertaire “Jean-Marie Soumprou”, dit d'en çò de Grangèr, de qui en 1836, acatat laguens un cueilar ath hons dera montanha de Bigalom (parçan a capsús de Gasòst, Hautas Pireneas) a hèit tèst dab beròja escajuda aths gendarmas, pojats de Lorda enlà tad arrestar-u, pormor que non se v'lèva pas anar-se'n guerrear per país autes entaths interès

francés de qui n'èran pas brica sués. Ací que son sonque sheis deras dètz coblas dera canta de qui torna a contar era hèita aquesta.